



Aretxabaletako
Udala

UDALBILTZA PARTZUERGOA

IFK Q2000578A

Doneztebe plaza, 1 20180 Oiartzun

udalharremanak@udalbiltza.eus

ARETXABALETAKO UDALA

IFK P2001400G

Otalora kalea, 1 20550 Aretxabaleta

alkatetza@aretxabaleta.eus

Aretxabaletan, 2015eko maiatzaren 13an

**UDALBILTZA PARTZUERGOAREN ETA ARETXABALETAKO UDALAREN ARTEKO
LANKIDETZA HITZARMENA:**

Alde batetik MERTXE AIZPURUA ARZALLUS andrea UDALBILTZA Partzuergoaren izenean, hala baitagokio lehendakaria den heinean eta kontutan hartuta Partzuergoaren Estatutuen 30 eta 31 artikuluetan xedatutakoa.

Bestetik, ANA BOLINAGA URIBARREN anderea, ARETXABALETAKO Udaleko alkatea, udal horren ordezkari eta izenean.

Bi alderdiek hitzarmen hau egiteko legezko ahalmen nahikoa aitortzen diote elkarri, eta honako azalpen hauek ematen dituzte

AZALPENAK:

-I-

Udalbiltza Partzuergoa 2001. urtean sortu zen erakunde publikoa da. Nortasun juridiko propioa eta erabateko ahalmena du bere helburuak lortzeko.

Bere estatutuen arabera, Udalbiltza Partzuergoaren helburuen artean udalen arteko elkarlana bultzatzea eta haien arteko lurralde egituraketa zein garapen sozial, ekonomiko eta kulturala sustatzea daude. Xede hauek bete asmoz, garapenerako estrategiak finkatzea beharrezkoa da eta estrategia hauek gauzatzen laguntzeko baliabide gisa aurkezten du bere burua Udalbiltzak.

-II-

2002. urtean, ikusirik Euskal Herriko lurralde eremu ezberdinen artean zeuden desorekak, bai egitura produktiboan, bai garapen ekonomikoan, bai dentsitatean nola egitura ekonomikoan, UDALBILTZA PARTZUERGOAK EUSKAL GARAPEN ETA KOHESIO FONDOA erakunde autonomia sortzea erabaki zuen. Erakunde Autonomoak entitate publiko izaera du

eta zuzenbidezko eta jarduteko gaitasun osoa.

EUSKAL GARAPEN ETA KOHESIO FONDOAREN xedea Euskal Herriko udalen, eragile sozialen eta herritarren arteko lankidetzaz suspertzea da, tokian tokiko garapena bultzatzeko – beti ere dauden lurralde desorekak zuzentzeko norabidean –, eta herrialde eta eskualde ezberdinen arteko harremanak – era guztietakoak, komertzialak, finantzieroak, teknologikoak, turistikoak, kulturalak eta sozialak – sendotzeko.

-III-

II.- Era berean ARETXABALETAKO UDALA, bere eskumenak betez, arlo horretan hainbat sustapen politika ari da lantzen. Testuinguru horretan bere aurrekontuetan "Udalbiltza kuota" izeneko aurrekontu partida aurreikusi du.

-IV-

Toki-erakundeek beren artean koordinatu behar dituzte beren eskumenak, eta bereziki herri-administrazioekin, bai tokiko jarduerak nahiz zerbitzuak toki erakunde bakoitzaren interesen gainetikoak direnean, bai herri-administrazioen interesak nabarmen ukitu edo baldintzatzen dituztenean, zein herri administrazio horien interesekin bat datozenean edo osagarriak direnean.

Ondorioz, esku-hartzaileek erabaki dute lankidetzaz hitzarmen hau izenpetzea ondorengo klausuletan oinarrituta.

KLAUSULAK:

LEHENA.- XEDEA

Hitzarmen honen xedea da lankidetzaz esparru bat ezartzea Udalbiltza Partzuergoaren eta ARETXABALETAKO UDALAREN artean Udalbiltza Partzuergoa eta Euskal Garapen eta Kohesio Fondoaren helburu estatutarioen baitako jarduerak bultzatzeko.

BIGARRENA.- HITZARMENAREN IZAERA

Lankidetzaz hitzarmen hau Herri Administrazioen Araubide Juridikoaren eta Administrazio Prozedura Erkidearen 30/1992 legearen 6.2 artikuluan arautzen denetakoa da.

Hitzarmen hau sinatzen duten bi entitate publikoek haien arteko harremanetan Toki Araubidearen Oinarriak arautzen dituen 7/1985 legearen 55. artikuluan xedatutakoa beteko dute.

HIRUGARRENA.-UDALAREN BETEBEHARRAK:

Proiektua finantzatzeko Udalak 5.000 €-ko ekarpena egingo du 2015eko aurrekontuan



Aretxabaletako
Udala

agertzen den "1.0701.419.912.00.01.2015 Udalbiltzaren kuota" kontu sailaren kargura. Zenbateko hori hitzarmen hau sinatzerakoan ordainduko da.

Ekarpen honen bitartez Udalbiltza Partzuergoa eta Euskal Garapen eta Kohesio Fondoak erakunde autonomoaren jardura orokorrak finantzatzeko dira, betiere, estatutuetan zehaztutako helburuen baitan. Ekarpenei ez du izatera finalistarik.

Ekarpenei hau, azaroaren 17ko diru-laguntzei buruzko 38/2003 lege orokorraren 2. artikuluan arautzen denetakoa da eta hortaz, lege horren aplikaziotik at dago.

LAUGARRENA.- PARTZUERGOAREN BETEBEHARRAK:

Hitzarmena sinatu baino lehen, Udalbiltza Partzuergoak 2015 urtean aurrera eramango dituen programa eta jardura ezberdinak jasotzen dituen txosten bat jarriko du Udalaren esku. Txosten honek Euskal Garapen eta Kohesio Fondoaren jarduerak ere jasoko ditu.

Diru ekarpenei, aipaturiko xedera bideratuko du eta hori egiaztatzeko 2016ko ekainaren 30a baino lehen memoria bat bidaliko du Udalera garatutako ekimenen berri emanez.

Halaber, Partzuergoak udal kontu-hartzailetza zerbitzuarekin elkarlanerako prestasuna behar du izan gastuari buruzko frogagiriaren bat edo informazio gehiago eskatzen bazaio.

Udalbiltza Partzuergoak, udalak hala eskatzen badiu, egindako jardueren aurkezpen publikoa egingo du, udalerriko herritar guztiei irekita. Honen helburua, bertako herritarrek bere jardueraren berri izan eta tokiko garapen estrategia ezberdinen inguruan ezagutzak handitzea izango da.

BOSGARRENA.- BESTE DIRU-EKARPEN BATZUEKIKO BATERAGARRITASUNA:

Hitzarmen honek xedetzat duen diru-ekarpenei bateragarria da beste edozein administrazio edo erakunde publiko nahiz pribatuk eman lezakeen helburu bereko subentzio, laguntza, diru sarrera edo baliabideekin.

SEIGARRENA.- AMAITUTZAT EMATEA:

Hartutako konpromisoak alde batek ez baditu betetzen, beste aldeak ahalmena izango du hitzarmena zorrotz betetzea eskatzeko edo hitzarmena amaitutzat ematea eskatzeko eta, behar izanez gero, diru-laguntza galdu edo zati batean edo oso-osorik itzultzea eskatzeko.



Aretxabaletako
Udala

ZAZPIGARRENA.- IRAUPENA:

Hitzarmen hau bi aldeek izenpetzen dutenean sartuko da indarrean eta hala jarraituko du bere xedea bete edo amaitutzat eman arte, 2015eko abenduaren 31 baino lehen bukatu behar duelarik nolanahi ere.

Aurreko guztiarekin ados daudela erakusteko, eta horrela jasota gera dadin eta bidezko ondorioak sor ditzan, bi aldeek hitzarmena izenpetzen dute jatorrizko bi aleetan, goian aipatutako lekuan eta egunean.

MERTXE AIZPURUA ARZALLUS
Udalbiltza Partzuergoa

ANA BOLINAGA URIBARREN
Aretxabaletako Udala

